

蒼

梧

詞

蒼梧詞卷八

武進董元愷舜民撰

嘉善曹爾堪顧菴評

同郡吳梅鼎天篆閱

長調二

鳳凰臺上憶吹簫

閨情和李清照韻

斷碧分山空簾剝月無端
驀上心頭正烏絲斜拂光
動銀鈎一榻茶烟似水
鴛鴦字欲寫翻休沉吟甚
蛾

彎兩筆消盡清秋。悠悠黃昏過也。便坐殘蘭燼。雙影偏留記昨宵。好夢重上朱樓底。事斷腸消息。倚西風翠剪明眸還驚聽夜寒鴻起。又喚離愁。

阮亭日僕弱冠曾和漱玉詞每讀舜老作自慚形穢

臨潼鬪寶臺晚眺

渭水東流鴻門左控驪山霽色初開恰憑高一望落日樓臺霸業至今安在空留下繡嶺蒼苔只三世咸陽王氣休說秦哀徘徊山河依舊遍春風羅綺滿目蒿萊更敦盤霧鎖複道烟煤自是當時天醉吹海

水添入金杯頻惆悵昆明浩劫歷盡餘灰

阮亭日壯涼稱題如聽秦王擊缶
其年日如聽白衣冠作變徵聲

漢宮春

立春

昨日迎春看一時紅粉都貲高樓晚來彩雲雙燕飛
上釵頭春風入鬢只今宵春色偏留應記取金花綵
勝爭傳翠管銀鈎我亦黃柑薦酒向青絲纖手一
醉相酬驚心寒梅雪淺煖柳烟柔百年冉冉有何人
吹律荒陬春去也與春無分傷和不散窮愁

其年日本色語止宿
船容未許輕加軒輦

醉中示岳聲國用辛稼軒韻

天地茫茫任我行我法吾愛吾廬迢迢舉足萬里天
路還殊塗窮日暮有誰知潦倒龜疎偏則見子虛烏
有千秋狗監原無封禪遺文安在只茂陵秋雨渴
殺相如身名一時俱盡寧復憐予黃金繫肘料東曹
不戀尊鱸君試問高車駟馬都須讀計然書

阮亭曰白圭趨時若猛獸擊鳥之發貨殖詎易言者我輩之不高車駟馬固宜

寄憇元錦用辛稼軒韻

豐草長林看鳥忘矰繳魚樂江湖故鄉烟景如許子
盍歸乎揚帆破浪遍千巖一葉須臾還長嘯一聲梁
父浩然風月歌呼曾向伯通廡下聽清談麈尾不
爨樵蘇董生雅知惲者此外誰歟無絃琴在真堪動
萬籟笙竽從今後酒酣耳熱共君擊缶烏烏

阮亭日極磊
落又極天然

燭影搖紅

元夜宿白鶴溪和張村甫上元韻

白鶴溪邊淒迷宿草春猶淺漆燈燈火半無光曠野

傳柑宴。十里香塵波捲。閉佳城。星樓連苑。陰風吹竹。
夜雨鳴蠻。窮泉絲管。華表歸來。青山依舊。人民換
棠梨花發。淚闌干。鄰笛山陽遠。一去華胥夢斷。何從
問。夜臺修短。白楊夕照。薤露晨晞。數聲哀雁。

阮亭曰。子美詩云。百靈未敢散。風破寒江遙長吉。
詩云。秋墳鬼唱鮑家詩。恨血千年土巾碧。僕取以
提舜民。

此詞

曹南耕梅廬卽席送陳其白入都赴選時其

白留燕廿餘年。甫歸卽行。同人賦此贈別

屈指鬢公詞壇。政扈推能手。謂令兄其年。燕臺鵠起繼難

兄得句惟園柳故國溪山如舊乍歸來親朋聚首雪

花六出霜葉千林擁爐時候此夜梅廬深談淺送

涓涓酒侵星君又發征途何意分飛驟我亦京華客
久仕途中積薪偏後遲君結綬待我聯鑣相期春晝

南耕日一
往有淡情

塞垣春

送友人出塞和周清真韻

塞外天垂野蠶莽莽征鞍卸紫臺一去黃埃千里關
山如画對大旗落日蕭蕭也毳幕烟光飄灑聽銀箏

初弄罷。華壁邊愁堪寫。漸驅馬射雕。還恰便似臨邛。
閒雅歸雁過。晴夫叫徹淒涼夜。正夢傳芳草。淚落寒雲。
幾處悲笳月。下。一往心如醉。向葡萄嬾把。

黃公曰如聽
霜天曉角

反昭君怨

紈扇雙蛾老。零落秋風多少。羊車過也。鸞笙何處。長
門漏悄聽。一聲。千帳琵琶調。絕勝雲和斜抱待得射
生歸。晚乳酒洞茶共倒。貂錦換羅衣。擁如花醉眠
芳草。夜夜擅臘脂。簾幕吹春曉。君不見漢家戰士謀。

臣不若漢宮人。巧若愛妾顏色已。困平城道。

其年日未段竟以議論填
詞哀梨并剪大覺快人

夢揚州

玉鈎斜

最堪傷是迷離一帶雷塘碧樹璇淵滾滾葬玉埋香
蟋蟀弔月東風外狼籍他翠羽明璫井欄滅寒鴈集
疎烟亂草平岡誰奠桂酒椒漿只數坏黃土幾葉
垂楊隱隱輕雷車聲想像君王夜臺也聽南宮漏看
漆燈猶照啼粧情無限芳魂迎輦化作鴛鴦

其年日淒清冷鑿河作地下宮詞
阮亭曰甚似明遠蕪城一賦詞果小道耶
黃公曰與元夜燭影搖紅同妙此首尤勝阮亭以
爲蕪城一賦其年以爲地下宮詞正恐天外烏鵲
冢中紅鬼一時聲淚俱下

倦尋芳

遊林屋洞

洞天第九一穴三門包山山麓外若建瓴其內形如
曲屋跣而登僂而入天風翕呀驚雙燭更探奇路隔
三江底水濁泥濁似兒童蛇行扶服青乳垂肩丹
梯摩腹玉柱金庭何處遂堪容足欲盡靈威十七日

片時幽壑悲潛伏。問山君，又何如？高飛鴻鵠。

阮亭曰：陸魯望皮囊美遊林屋洞詩搜奇抉奥，可稱創獲。舜民遂以長短句驅駕其上。

瀟湘夜雨

雨夜泊湘江和韻

韶石烟籠雲門霧欵晚來風送餘涼瀟瀟颯颯戍鼓咽橫塘更幾陣征鴻嘹唳偏叫入隻影寒窗最難忘空閨聽雨和淚憶蕭郎去年當此夜對杯曲席挾瑟高堂正繡簾半捲紅燭成行底事飄流嶺海祇留得薄倖詩囊知何日故園晴晝不負好春光

生洲白蕭蕭瑟瑟彷彿湘江
夜雨時未免有情誰能遣此

天香

月夜飲青墩叢桂下

松粒蕭森竹竿掩冉叢生古桂山麓老樹連蜷樛枝
偃蹇密葉清陰如屋金風數陣忽飄下萬堆金粟灑
灑朝光爛熳團團曉露芬馥細纈丹黃眩目早飛
來一輪圓玉桂影扶疎付與樽中醕醕恍入廣寒宮
關對碧海姮娥伴幽獨待月西沉和花同宿

雲臣曰有此佳境
俯視座寢如蟻聚

醉蓬萊

山陰上已張登子招遊蘭亭以雨阻不果
怪東風惡劣和雨和烟悶懷堆積一片空濛遮盡千
山碧修竹瀟瀟茂林颯颯寂寞天涯客難泛壺觴漫
寒蘭社冥冥終夕遙想亭邊金堤困柳玉潤欺桃
青鞋空濕曲水環流共浮杯爭滴一室孫公四愁平
子俯仰悲陳迹記取明年右軍此會又成疎昔

天石日故事不堪頻寫爾時無雨殆難爲懷山靈善于位置舜民是以得此佳句

長亭怨慢

詠柳

記一帶画樓西岸。嫩綠初分。輕黃纔換。萬縷千絲。依
依搖曳。溪橋畔瘦。損腰肢。做出春情嬌軟。欲起又三
眠。一半逐風斜。半隨烟卷。看青青客舍牢。把別離
長綰送郎去也。只不解迎郎近遠。空結盡思婦愁眉。
知何處。窺人青眼。留取最長條。玉笛聲中歸晚。

阮亭曰逐句相生竟
如遊絲之不可斷

慶清朝慢

喜雨

颯颯斜飛紛紛灑。江南節應黃梅風引中宵微雨。
劃地驚雷望龍鱗。原隰映空濛。萬頃淨氛埃。平疇外。
桔槔晝束荷鉸晨回。歌於市。抃於野。指雲門渠口。
珠玉天來更喜茅齋新。洗蒼翠時開。但願焦枯生意。
清涼一氣自陽臺。同膏澤八荒。四海擊壤斲杯。時北
地苦旱

早

叔易農日漚漚盛世之瑞音
不數方俟雅言應制諸作

夏初臨

銷夏灣

萬頃蒼茫。四山環合。人傳銷夏。灣頭水殿。凌空當年。
醉舞汀洲。倚闌香送。悠悠照新粧。春色波浮。菱歌唱罷。
鐵笛一聲。驚地驚秋。錦帆烟滅。犀甲沙沉。故宮荆棘落盡。梧楸蘆花。楓葉而今處處。聞愁曲岸漁舟。
對青山立驚眼。鷗想風流歸去。五湖誰更同遊。

蔡紫楓曰。銷夏。漁舟洞庭十景之一。舜民淺於言。景淡於言。情憑今弔古今。我低徊無盡。

聲聲慢

芙蓉湖採蓮

水田萬頃。夏木牛章。蓮塘高柳鳴禽。十里芙蓉半篙。

盪破層陰笑指沙棠香滿入花叢隔浦濶淡停橈處
見紅浮霧鬢翠濕風襟四望凌波微步王蘋盈欲
語粧影初臨荷葉羅裙一色恰趁幽尋勞開同心憐
子莫妾心苦似蓮心秋風起愛連絲折藕清潯

兄賓實曰興趣不凡詞復鳳華秀潤當爲晉魏遺音豈止周秦逸調

秋夜聽蟋蟀聲

夢迷短笛斷續寒砧秋聲一派相引瑟瑟空庭那更
聲聲幽恨驚心叫回嬾婦却無端訴愁難盡數遍五
夜更籌長共霜風淒緊石鋪牆陰隱隱還記得兒

時徐行側聽竹柵磁籠蟲達將軍臨陣曾來半閒堂
裏把趙宋江山輕殉到得孤吟牀下越縈方寸

其年日豪蕩感激寫出蟋蟀如許關
係較之白石一詞真覺今能勝昔

閨憶和李清照韻

寶鏡長封玉簫不御天涯一望慘感卜損金釵難問
片鴻消息驚心滇池烽火正春江羽書飛急簾捲也
又簾垂獨自此情誰識千恨亦腸堆積殘紅落小
徑青梅時摘輕暖輕寒白日晴陰向黑暗來雨濕窗
紗共孤燈和淚暗滴只兩箇平安字何由寄得

黃公日與李易
安齊情協響

雨中花慢

避暑芙蓉湖遇雨宿塘上作

極浦殘陽遙山一抹。平湖急雨初收。恰波開明鏡。冉冉香留。汎濕紅衣似洗。風搖翠扇疑秋。問垂楊曲岸。有誰相識。且繫蓮舟。小姑盪槳。鴛鴦睡處。遲遲偏會凝眸。還指引吾廬修竹。半室清幽。眠臥只持蓮子。芙蓉繞徧。牀頭橫塘。此夜氤氳。到曉夢斷西洲。

其年日麗而有別婉而
多風可入謝玄暉集中

八聲甘州

閨七夕

再向銀河畔，數佳期。相望又相邀。正歡娛此夜，一年兩度良會，非遙記得從前好。合離恨在明朝。更值秋光永，清漏迢迢。天遣多情靈匹，却無情鳥鵠。有意偏勞看雲開月帳，重與渡星橋。願乞取羲和，曆日算年年長。是閨今宵何須歎，世間兒女一別魂銷。

暗香

紅梅閣秋杏龔瑤屬賦

霜飈。婆冷。倚日邊。開遍一叢仙杏。粉薄紅輕。艷蕪壓枝。美疎影。何事比人誤。認與金粟珠英交映。愛素節。畱住韶光點綴。艷陽景。耿耿晴光近。看幾縷氤氳。烟鬚微凝。生香藥鼎。飄渺晴空。蘸壇靜無數。臙脂淺。注有紫府分丹曾並。秋未老。春長在。碧虛清境。

黃鸝遶碧樹

元真宮鼎榆

絕塞霜威近。羊城紫殿忽探奇趣。天上星精向綑綻。寶鼎根株盤據。扶疎百尺擁翠葉。香烟千縷渾不辨。

生魁五行木火鎔成金土。百和芳薰如許散飛錢。
五銖紛吐挺霄漢是洪爐傑出鐵幹曾鑄歲歲凌寒就熟長共倚龍鱗樹宮外孤松亭亭出塞所未見。揔教歷盡罡風刲灰畱住。

燕春臺

白雲渡舟中送吳枚吉之彭城潘原白之薦門予亦將之廣陵却和枚吉原韻

浪跡東西長江南北青山萬里孤舟一別銷魂三春憔悴如秋飄零楚尾吳頭歎塵埃野馬滄桑漢壘雷

塘荒草風雨迷樓。金臺骨冷戲馬烟寒廣陵花月。
尋憶難休。笙歌如夢平山冷落誰修。天外征飄望中。
衣帶萬種離愁儘。遲留向白雲飛處一樣回眸。

揚州慢

揚州感舊

御苑鶯花官河楊柳無端一望深秋聽竹西歌吹小。
杜憶曾遊記昔日珠簾鉛鏡繩茱萸灣口荳蔻梢頭到。
而今風掣野鼠雨嘯鵠鵠萋萋衰草更傷心鬱鬱長楸縱甲第棗弓中原拜表白骨荒丘二十四橋何。

處空贏得薄倖青樓十年清夢覺二分
明月揚州

阮亭曰舜老蒼梧集中每製一調多是尊題卽此便非流輩所及况言語妙天下耶

黃河清慢

渡黃河

天下滔滔皆是也濁浪自天而下萬里奔騰倒海崑崙中瀉歷遍桃花竹箭誰追及龍門駟馬古來投璧沉圭總欲塞宣房無價西風一葦能航便高肅笠篋烟帆如画遙望山川多少六朝閒話歲歲軸轄爭涉覘白齒長鯨波射河清可俟且神遊廣莫之野

阮亭日觀其筆勢
直欲千里一曲

雙雙燕、

讀顧闈秀秋分送燕詞因用原和史邦卿韻
小窗微詠見咳唾風生吳江楓冷繡戶珠簾長與玉
臺人並一葉驚吹梧井恰燕子歸來未定呢喃似訴
離情還戀雕梁清影曉雨琴書偏潤點飛花入硯
烏衣才俊画堂一別處處瀟湘烟暝鄭重主人安穩
怕誤聽天邊霜信明年依舊重來莫向秋閨閒凭

生洲日香嚴詞來生願作章臺柳睡軟粧樓左右
讀繡戶珠簾長與玉臺人並二語予亦願作紫燕

月下笛

舟中聞笛

木落蕭蕭江波澹澹。聲橫笛月明如水。七十二峰凝碧遍長空。楊柳梅花吹落盡。滿天秋色有放臣。逐子棄妻離友曲。中妻惻惻換却清商恰調當。染破案雲裂石黃鶴樓封萬里鷓鴣飛急。正懷人絳帳情深更念舊山陽。淚濕問知音誰踞湖牀。空弄柯亭客。

阮亭曰潯陽江頭夜送客情事相似月明如水七十二峰凝碧何啻曲終人不見江上數峰青耶

孤鸞

秋哀

自憐何極。忽零露。淒晨陰。風緣隙。燈火熒熒。難問影。
堂消息。落葉空庭。無語見。一片紙錢堆積。漫夜剪刀
初放。却向靈衣泣。想音容。到此渾非昔。更傷心。小
女逃牀。啼覓親。手調薑橘萬一魂。今食奠酒三行。而
後猛回頭。驚惶若失。長夜冥冥未曉。共寒蛩悽惻。

其年日如讀李北地結
腸篇不能終此曲矣

八節長歡

袁重其屬題負母看花圖

母病新痊體加嘗膳藥以勞宣。一庭榴噴火半榻草鋪烟。還愁老眼看花似霧。膝前移向花前試看花前戲。綵花也嫣然。老萊故作兒眠。憑兒負莫教懷抱情。牽不用板輿扶花中坐。婆娑白髮紅顏慈顏喜折一枝供佛屏間。但願得一觴長進花開花落年年。

弘載曰麗筆中具關天性讀之心自悚然當與祝京兆乳姑圖詩並傳不朽

珍珠簾

詠蟬

一庭綠蔭湘紋摺。雨過碧梧初泄。兩兩噪鳴蟬。高下

聲聲急側耳。年年當此際。恰飲露吟風。偏咽愁絕聽。
如羹如沸秋心如結。細訴轉眼繁華。把興亡遺恨。
向人饒舌齊女鬢邊雲。趙女絃中雪。總不晉南冠。放。
逐長則對北窗啼。徹妻切早斷雁寒蠻。幾番更迭。

三姝媚

廬山三疊泉

凌雲踰小舍。向鳥道。枝撐松根雲罅。渡澗緣溪。正披
襟延葛。猱攀猿掛。絕壁捫虛見。三級銀河低瀉鼎鼎。
貫珠裊裊游絲從天而下。二級懸空噴射。溯初級

溟濛雪飛濤灑赴壑衝波却龍潭滙注如奔萬馬雨

橫風狂看風雨長晴不夜好倩陳黃妙手画圖傳寫
朱子解郡後常托陳和成黃商伯繪圖觀之

玉蝴蝶

鳳凰山懷古

何處宋家陵闕一江王氣十里湖光遊幸曾傳德壽。
複道垂楊水中仙雙鋪翡翠天上樂小按霓裳最難忘。
魚羹重進舊事淒涼堪傷北尋南渡黃沙漠漠。
白塔茫茫鐵弩烟銷聽湖聲猶咽錢塘看芳草青迷。

輦道更松杉翠濕宮牆恨偏長臺空麋鹿山繞鸞凰

黃公曰憑弔詞悲涼不少如此毫髮無恨波瀾獨老正未多得

月華清

斷橋同內坐月

紅粉憐卿青山伴我怜值西冷良夜水色山光耿耿
月華同瀉湖裏外玉鏡無塵峰南北冰輪高駕閒雅
笑笙歌画舫日西纔罷最憐此夕清光把西湖勑
賜客吾閒話兩兩深情一片幽輝堪藉天似水霧浸
樓臺人如画風清蘭麝堪訝料姮娥照影自嫌孤寡

阮亭日直欲作遊仙詞讀西湖二語絕勝鑑湖一曲

高陽臺

七夕姜子翥趙粲兮過集

珠露溶溶銀河耿耿癡兒駛女紛紛穿針樓。昨年年此夕銷魂雙星天上欣初會。恰人間有酒盈尊喜天涯知已筵前對影論文不須瓜果橫陳只三杯醉倒巧拙誰分經歲。娶涼空教巧似天孫七襄今夜纔停織美文思機杼生雲且高吟精靈颯合夢想殷勤

瑣窗寒

冬閨

曲曲銀屏濶濶玉宇層層珠箔。剪剪霜寒梅影瀟瀟。
月落曉風吹夢到郎邊。重門偏鎖相思約。便裝成蜀
錦。夢遍吳綿只嫌衾薄。寂寞紅窗畔。正博山情暖
溫和。如昨笑供沉水一縷篆烟堪託。到而今撥盡寒
灰。這兩字相思且莫知。怎知伊金筋爐前。怜雙雙倚著。

阮亭日妙思廻繫
亦如篆烟徐引

金菊對芙蓉

詠美人蕉

弱質亭亭芳心點點日南初貢奇葩乍迎風欲捲花

葉交加遙臨碧海珊瑚出倚綠天絳節堪誇歌殘火

鳳舞迴青鳥相向窗紗聽來夜雨盈堵問十洲仙

種淚染霜華恰曾依修竹閒擘桃花翠帷映玉妃春

睡似五銖鑿奪晴霞花前笑問美人名字配合偏佳

齊賢曰輕摹淡寫備極匠心而不落纖巧洵推咏物名家

送楊亭玉同年掌教江浦和梁太司農韻

易水蕭蕭蘓雲漠漠分携猶憶新秋正雁涵清影月
過南樓星河欲曙金波冷天似水露濕銀篝黯然一

別我歸白下。君住幽州。文翁片席堪留。恰春風浦
口化雨江頭。看公門桃李。雪映紅稠。定山百鍊。鱉山
詠笑花封。騎尉通侯。絳帳調笙。鱸堂揮麈。砥柱中流

亭玉訊鶴巢近况詞以答之再和前韻

金粟飄香碧梧響。雨望中景物俱秋。更鶴巢松樹山
滿溪樓危闌。百尺堪高臥。爐烟裊翠帳。紅簷臨風嘯。
詠盍傾陽羨曲譜伊州。策杖竟日淹留。任花前携
手竹下科頭。只一年好景花密香稠。縱橫意氣凌倉
海。乾坤小蠟蟻王侯。憑君問訊千杯濁酒。萬里清流。

許青嶼曰：亭玉詞翰俊爽，意氣豪舉，坐不得志，竟赴玉樓，有舜民二詞，千載常在人間矣。

新雁過粧樓

憶昔

憶昔初逢茶蘼下，隔簾花氣朦朧。碧窗携手細聽爾汝，歡儂曲曲銀箏纖指擘。玉顏嬌映酒杯紅，最關情羅襦半醉佳會惺忪。懊恨五更枕畔却無端別去，直恁匆匆。蘭舟繡被叫入隻影孤鴻，兩地相思一點只魂夢相隨。十二峰回望處恍幾聲，將息立盡曉風。

青際日槩括
得一部西廂

東風第一枝

送徐健菴同年計偕入都時同繆雙泉先生

枉顧

雨點槐黃烟籠柳綠誰向柴門剝啄驚傳竹徑鳴鏓
却來草玄小閣長安日近偏喚起北山猿鶴媿逢迎
難罄交歡握手舊遊如昨花磚下喜聞棲鵠公車
上欣瞻入洛小何禁近鰲屏大宋聯翩龍躍一枝先
許看鏡裏芙蓉棣萼待春明總隔雲泥應念故人淪
落

青際日兩君高才入洛班生此行何異登仙若使
舜民聯袂而往未必蒼梧詞之百體俱備也天殆
留以補花間之闕歟

惠山踏青詞和秦鄴仙韻

轉眼放燈。又近禁烟。嫩綠天紅遍了。青溪平頃平鋪。
四面九峰環繞。韶光歷歷。聽幾處提壺喚早。盡長堤。
寶屨湘裙沾惹。落花飛草。鸞鏡裏亂雲爭曉。雕鞍
下雙鬟。微笑。画樓纖手重携。石徑篆烟輕裊。相逢密
坐。莫辜負金尊。頻倒帶夕陽。爛醉扶歸。又說來朝晴。
好。

半塘苦雨再和前韻

薄霧凝寒濃雲閣雨上已清明過了半塘景色淒迷
故苑風花繚繞遙天似墨却催送黃昏更早濕鶯啼
殘夢依微歷亂滿川烟草望曠野陰陰難曉看露
臉盈盈欲笑簷前百樹青排牆外幾枝紅裏銀瓶指
點共舊侶蓬窗傾倒倚西風剪破春愁一霎依然春
好

弟方南日抑揚
盡致辛婉入情

玉燭新

寄贈家默菴侍講督學畿輔

系傳三策後。正仰止。東山一枝獨秀日。邊臚唱簪花。
早坐聽玉堂。鐘漏青綸輝映想。

御燭分光時候。槐風動吹下西清。衡文望隆台斗。燕臺建節掄才。

似波湧桑乾峰蟠天壽羣英輻輳却盈盈桃李花開。
如繡春風入手絳帳簾垂晴晝算指汨黃閣重登詞。

臣領袖

蔣玉度曰工麗無比覺九
天萬國句猶遜其秀整

蒼梧詞卷九

武進董元愷舜民撰

文安紀 灵朏菴評

同里惲 格正叔閱

長調 三

念奴嬌

烏江懷古用東坡赤壁韻

長天浩渺看年年如此江山風物奪却會稽頭與印
已定江東半壁九郡稱雄五侯臣服一劖飛寒雪入

關以後東歸詎是人傑。賴有駿馬悲號美人宛轉。
此咤英風發試問漢家今孰主都向暮烟沉滅百戰
難亡千金可購遺恨衝冠髮陰陵道上亂鴉叫醒殘
月。

阮亭曰每不喜今人例作喑嗚叱咤如此豪蕩
感激文中子長詩中子美詎但詞中幼安乎

又曰奪却會稽頭與印十
三字氣橫九州憤王知已

石公山同秦補念楊覲甫坐月

平湖春漲正澄波萬頃層嵐千疊冷浸琉璃天似水
水湧一天晴色玉宇無塵銀河乍洗漱瀲浮空碧驚

飛鳥鵠青山無數頭白最好放眼高歌山鳴谷應
喚起扁舟笛石丈傴僂如欲語清露淋漓獨立縹渺
峰寒鯷宮浪靜祇是疎狂客此時不飲空教辜負今
夕

秦補念曰與舜民同遊月色無夕不佳此夜更爲
清絕携樽促席浮白呼盧得此詞湖山大不寂寞

題蘿村詞卽和弘載韻

十年詞賦擅江東。屈指唯髯誰敵。歌罷苧蘿村裏曲。
絳樹紅綃無色擊碎珊瑚。拓殘金戟皎鏡搖空碧。臨
池墨妙更看賜絹千匹。我昔浪迹山陰。巨卿元伯。

爭致蘭陵客。試問茂林修竹下。可有江都片席禹穴留題耶。溪泛棹往事重。追憶讀君高詠柯亭響。微橫笛。

南際曰。有拳槌黃鶴樓。
氣槩非劉後村不能。

舟中喜偕王仔園和原韻奉贈

南宮棄置隸南曹。又序齊年昆弟却喜潞河同放棹。舊識琅琊才氣白。苧清詞紅橋新詠。不數江都麗維揚。花月過江門。閥尤最。更愛書画巢中義。皇晉宋掉灑。同兒戲。潑墨掀鬚。搖塵尾。想見雅人淡。致擊鉢。

聯吟揚帆弔古得句偏靈異。三槐手植知君公望堪繼。

曹顧菴學士過集學文堂同錢湘靈諸公觀陳椒峰家劇卽席限雪字用坡公韻

學文高謙似蘭亭彷彿永和人物疊嶂疎桐微點綴。坐擁雲山半壁黃絹分題烏絲拈韻細詠梁園雪鴛湖學士共推海內詞傑。又是子夜新聲前溪妙舞四座清商發笑語風和簾幕靜隱映蘭缸欲滅紅豆徵歌霓裳按拍一縷音如髮厭厭旣醉霜飛窗外寒。

月

顧菴日蕭疎凋
儻情辭並妙

登焦山再用坡公韻

金焦兩點峙中流。無限烟波風物東去高峰尤屹崒。
祇柱長江半壁。日夜滔滔洪濤滾滾噴浪堆銀雪捫。
蘿陟巘江山若箇英傑。更上萬仞峰頭一聲長嘯。
林木听然發絕頂孤亭凭檻望掩映江波明滅岸墳。
逍遙解衣盤礴到此朝晞髮晚來雲歛海門飛上圓。

月。

又

我來探勝訪遺踪。憑弔千年。人物瘞鶴亭前飛白鷺。
剩有雷轟石壁。莫問華陽漫尋。逸少總飽沙汀雪地。
靈天險。祗傳萬古雙傑。追想楊子懷人。焦君避詔。
顧盼高風發。縹渺忠魂同勁節。不共寒潮磨滅千尺。
濤聲一江雲影冷。浸蕭蕭髮。浩然正氣。冰心一片明月。

又

北山山後更蒼茫。兀立江心。何物傳是蹲獅兼伏象。

倣覲東流峭壁。數卷華嚴。幾聲鐘磬。萬事如冰雪。琉璃寶地。優樓鈸盡人傑。爲問五十三叅。海雲當日一笑掀髯發。

樓有海雲菩薩像

美鬚髯。角功名。螭角利好向微

塵生滅。身世虛無。化城抖擻落盡。星星髮海。天空闊。

朗吟長伴烟月

紀臘卷四以銅琵琶鐵綽板高唱
此詞令人不復知有大江東去

登金山有感用夏貴溪韻

江心翠屏障狂瀾。今古巍然獨立。矇眇靈妃倚浪笑。不用五丁神力。鰲脊波興。蛟涎日射一柱。千尋壁亭。

亭映發相傳笋蠹莖植。試問行者當年開山布地。
寶氣浮空出少府。泉流都似此滾滾財源不息。白日
西飛海門東。下空有垂天翼丹砂不就點金難化巖石。

柳正叔曰
才情橫絕

送孫無言歸黃山和顧菴先生韻

黃山山頂有三十六峰。峰峰奇絕。或似獅蹲。或虎踞。
萬仞堆銀踏鐵羅。若星離亂。如笋蠹溪響。懸空舌捫。
蘿而上天門。直許停轍。問子何不歸耶。年年且住。

不作蕪城別鑄鼎高臺何處是廡下漫因人熱隋苑瓊花烏聊紫草總是存吾拙半瓢猶在紅橋飽看飛雪

顧菴曰一氣迴環運筆奇秀真爲千古至文莫作填詞讀過

秋七月何大春尊人六十壽令祖八十雙壽而大春以九月舉子令弟並舉一子索詞爲贈戲用數目字倣東坡體

相門五世擅千秋七夕一尊三壽又報雙珠雙出海八六欣逢重九八十摩娑六旬矍鑠四葉簪纓胄四

千五百一元。今日初授。遥想四望峰頭半山閣畔。
一庭清晝。四顆仙桃七尺棗三鳳八龍如繡。一七
歌詞八千獻歲九棘三槐右二難四美萬年千日醇
酌。

省齋曰。人工天巧。備極自然。正不病其纖也。

題鄒玉聲画冊

江樓清曉。展黃軒遺像。丹青画本意。匠經營。規畫巧。
骨肉不先神。韻蹴踏。張萱憑陵。周昉灑落。蒲思訓虎。
頭絕藝。龍眠集古。差近最是林下才華。圖傳六隱。

好與深閨認。蓼岸桃溪工點染。笑殺閨家朱粉北寺。
殊形雲臺生面觸目琳琅俊野王重出道鄉千古評論。

又題玉聲画美人

鶩溪數尺有宓妃洛女翩然相引綽態柔姿看更好。
素面偏涴脂粉豔絕周陳妍殊燕趙妍究誇秦晉輕
裾修袖生綃却許親近縱是顧陸援毫張吳潑墨
不寫春風恨徙倚凝思微喟處細把画圖重認帳外
花翻庭中月閉氣少幽蘭襯玉階蝴蝶錯疑飛上雲。

龔

舟次西江中秋無月有懷 家大人用其年韻

每逢佳節正思親。倍甚。况兼無月歲首辭。家秋已半。
鏡裏今添華髮。風送江聲雨。催桐葉。景色逾悲切。那堪回首愁腸百轉難歇。差喜魚雁新來。平安兩字一見。雙眸豁。屈指團圓期尚杳。兼奈半帆風雪遊子萍踪。經年旅食衰柳。匆匆折。嫦娥知道爲余想。亦妻絕。

兄賓實曰
情真調潔

白雁

漣河天半看幾行白雁。斜斜整整。一片寒光逃斷磧。
忽失萬重清影。江水涵秋。汀洲點素霜。信隨風警。
人謂白雁爲霜信。牧羝海上。蘇卿雪窖相映。試理一曲瑤琴。冰絃乍鼓。月浸空闥。令飛入蘆花尋。不見。呼破瀟湘烟暝。鷺跡難分。鶩羣誤識。刷羽晴暉。炯橫空排字。

銀鈎玉筋堪並

阮亭曰刻畫盡態
故是寫生妙手

黃玫瑰花

蕭條塞外朔風吹。豔紫殷紅都變土。王去聲窮邊留正色點染夕陽庭。院椒壁新塗藥絲密綴含笑金鋪遍黃鸝飛入朦朧枝上難見。遙憶櫻笋江南算風光此際賣花聲遠。辜負謝娘簾閣畔。正值春深夏淺厭殺紅英裝成道帔。絕域霜華擅驚看。秋暮碎接籬。

菊千片

雲臣曰有此奇花故宜以妙筆寫之

西江聞計

冷清清地對長天。秋水冤華涼浸。忽見征鴻來便羽。
認作平安家信。一向生離今成死別。血淚添霜鬢。勞
勞千里不堪。今夜清磬媿我。飄泊風塵。阿奴碌碌
長共。携衾枕碧落。黃泉何處問。種種寄愁誰。倩旅恨
千端。親魂一片兩兩無人省。依稀殘夢曉。風驚又吹
醒。

又

此行何似似阮郎。窮轍楊朱岐路。身世飄零同泛梗。
極目片帆飛渡江。水無情。胡奴失足。前此傷心處。這

回消息。望中迷却雲樹。每爲四十無兒暮年心事。
長見愁眉聚。今夜羹湯新婦做。罪案三生難數。抱恨
終天。覩顏此日幾欲從親去。江關遙隔。孤魂千里無
據。

悔菴曰。每讀文友兄哀辭。使人清夜淚落。茲
更吐棄粉墨。獨留真本。文生于情。信然。信然。
見賓實日讀今夜羹湯新婦做
二語天下遊子當同聲一哭

達佛閣

雲巖石佛寺

飛泉疎柳丹梯翠壁掩映孤岫。石劈巖竇。恒沙佛數。

虛空盡雕鏤。奇奇偶偶偏袒露。項跏趺。叉手奮袂舒
肘。並肩曳踵。听然顧而走。中最巍峩者。背負神鼇。
勢壓斗丈六。金軀聳層樓。左右看化現三身。萬千非
謬連峰疊阜。遍光網莊嚴。諸天希有似祇園雲崗圖
就。

芝田曰不信舜民早已
身在箇中標新領異

生洲曰謫高色古絕
不似尋常几席觀

四代好

夏夜臥塔影軒

玉宇澄清景。蟬聲歇。挹取嫩涼千頃。水晶簾下半床
笛簾。一輪蟾鏡中庭曲。闌閒凭。趁夜色低窺金井遍。
苔階無數竹影樹影山影潭影。竹影空翠淒迷。樹
影又入微茫杳冥迢迢。山影看一碧嵐光烟暝溪痕。
蘸雲波定俯潭影遙天虛映又爭如。塔影臨風南柯
吹醒。

阮亭曰其年泛艇春溪舜禹夜卧塔影都屬名人
約事而同調異詞各抒光怪直可遠追唐宋近掩
元明二公于此真足不朽

渡江雲

揚子江上作

極潯陽九派。岷山初導。澗汙六州。中看驚濤捲雪。千
古江流。閱盡幾英雄。寄奴何在。有獅兒便與爭鋒。算
北軍飛來天塹。猶唱水中龍。匆匆永嘉南渡。建業。

西風指斜。陽影動偏。則見揚州城郭雲樹。葱臘無端。
落木蕭蕭。處聞停棹。楓葉題紅。拚沉醉沽來一飲垂

鐘

其年日闢河冷落殘照當樓無此清警

解語花

詠茉莉

幽蘭啼露。菡萏梳風。深院重陰碧。花枝午寂。北窗畔吹動半簾香。雪蓋仙丰韻。正翠袖玉容雙絕。問炎州如許清涼人。在瓊瑤闕。弄影偏宜明月。恰月明似

水清輝無別纖纖手。折細穿成一縷。同心千結雲鬟低揭。新浴後。簾紋冰徹。醒來幽夢最銷魂。化枕邊飛蝶。

蝶

其年曰詠茉莉詞向推王次
回作得此閣直踞王前矣

春夏兩相期

有約不來過夜半

繡簾垂篆烟生鼎。小立碧梧金井睡。熟鶗哥莫把鴉鬟喚。醒画闌西畔。悄逢人風動。一庭花弄影。敲斷玉釵聽。殘蓮漏佳期未定。門外獨兒驚聽恰遠天。如夢烏啼相應。忽地郎來笑剔燈花廝並。怕郎生受曉風吹。添郎半臂偎郎冷。密緒難諧幽歡易促。來宵便

宵

弘載曰：膩語纏綿難消紅怨。
使後主見之，不知誰爲伯仲。

絳都春

壽趙大谷先生

承家旌孝有雲翎白鶴霜廻青鳥系出天潢世傳上
壽砂山趙北山坐擁南山皓築西田東溪垂釣谷口
耕烟登樓聽月陶然清嘯縹渺筵開玳瑁聽天上
笙璈人間歌笑洛社歸來瓊枝翠結瑤階草玉芝光
覆斑衣繞願歲歲春風難老從今綠鬢朱顏如花更
好

五福降中天

端州除夕守歲和韻

天涯令節清樽滿。玉律韶光流轉入眼。居蘇驚心爆
竹蠟淚溶溶。頻剪寒深酒淺。正一歲平分五更。欲辨
記取此時此際。今日今年換。形影淒然難遣。芙蓉
孤枕畔。情何限。萬里梅花三冬。桃李不寄江南。歌管
空閨帳冷。故國愁多。更添腸斷懊恨。春風把夢魂吹
散。

脚注曰：只一換字比古人今日今年盡靈動。多少
通體聲情飄渺有循覽之致而無淒激之辭。蘇黃
以來未易多見。

萬年歡

端州元夜

雲靜波恬。正瓊樓似水。冰輪高掛。猿舞獅蹲。滿路闌
蛾爭要幾隊。採茶歌罷。看姹女蠻姬如画。千門映火
樹星毬。清輝翠澈。交射。回想故國元宵。料有人此

際暗愁盈。把望斷歸鴻蠟淚。鮫珠頻灑。濕透傳柑雙
帕。奈萬里關山隔也。倩東風夢到蘭陵。一尊同此良

夜。

芝田日幾人燈火坐黃昏
自然情至何用語淡

御帶花

詠蠟梅花

霜簾乍捲。冰簷下漏洩枝頭春早。羅浮別種見檀心。梔貌荷圓磬小。昨夜鴉黃初點。額漢宮粧巧模糊認。夕陽一色映曲欄斜照。風暖蜜脾攢樹杪釀就花鬚遊蜂環抱。鵝兒酒滿對蠟汎。銅盤衆香繚繞。穆穆金波顫。釵上金蟲微袅。看鄭重隴頭書寄。倩一丸封好。

雲臣曰詠物詞最難工麗此何其揮灑如意良由才大故爾

曲遊春

曲江春遊

春色終南霽。正西郊跨馬。曲江之曲滾滾飛沙。但滿衣塵土。滿林樵牧間。江頭宮殿還掩映。數間茅屋斷堤細柳。搓黃高原蔓草。凝綠何處雕輪繡轂。望杏苑春深。野花如簇。閱盡滄桑。恰水漲浮萍。種成喬木落日長安遠。東風外澄溪漾玉那更雙燕歸來。蕭條

極目

生洲曰杜老當年已不堪細柳新蒲之痛。況千載後才人撫今懷昔。平讀至曲終真覺蕭條極目矣。

玲瓏四犯

過汴故宮有感和宋道君原韻

晉領山河冊。神霄帝主風流獨絕。花鳥才華化作一
天水。雪堪歎。白草黃沙。斷送盡。宋家宮闈看當年。鳳
舞龍翔總付數聲啼鶗。全家莫自傷離別。指荒江
霜風冽冽九華淚灑白烏頭。殘夢驚飛蝶三更毳帳。
琵琶還。則記玉津時節上高原弔古往事。淒涼只留

殘月

阮亭曰：令思陵得覩此詞，定爲一
動耆梧夕照之句，何必專美千古。

木蘭花慢

弔魏武帝祠

問英雄何在遺廢址枕高丘想銅雀荒荒金龍寂寂。
漳水悠悠二喬與春深鎖到分香賣履更添愁八尺。
猶施總帳西風老盡松楸墓田一望亦無由歌舞妾空留歎愛子何人山河轉眼一旦都休堪恨同槽三馬恰兩朝受禪適同謀運數相尋輾轉侯王總付東流。

其年曰蒼蒼涼涼騰騰統統如過鼓作漁陽操千載奸雄猶爲氣盡

雨中度梅嶺和羅弘載韻

梅花香。谷路大庾嶺。挿天中。正沓嶂崔巍。崩崖崒嵂。
峭壁巒崕。磴道雲生足。下似翠微。高處水連空。濕斷。
雁行孤影。嘶來馬鬢長風。潺潺絕澗倒危峰。波動。
上方鐘。總王氣。金銀將軍戈甲。霧鎖烟封。經過幾番。
戰壘。只曲江詩句。尚稱雄。媿我橐中新語。共君塵外。
遺踪。

何民部相携出嶺舟次芙蓉渡示羅弘載

折梅纔過嶺。芙蓉水漾晴空。念百粵乘槎。九江馳節。
三水初逢此日。珊瑚玉鏡。總片雲隔。斷數峰中。
珊瑚洲在

番禺玉鏡臺在三水遊子半肩詩卷使君兩袖清風憶故園
音問難通是處歎飄蓬有画鵝朱旗錦帆飛蓋歸計
從容更喜銀燈綺席正抽毫擊鉢醉顏紅回首天長
地闊舉頭江北江東

李星巖曰其音雄麗具山川
雲物之勝非等閒酬贈可比

桂枝香

洛陽懷古

東都休沐正左澗右瀍三河鼎足幾人稱帝稱王興
亡何速銅駝荆棘秋風裏背斜陽烟濛金谷華林廢

壘平泉裏柳蕭蕭落木。念往事凄涼滿目。歎神馬。
玉龜鳥鳶競逐囊底私錢。碗飯一孟難熟豆田天子。
食秋桃但行酒青衣非辱天津橋上數聲杜宇似聞
歌哭。

莊椿歲

壽王烟客先生并寄端士茂京

婁江東閣筵開廣寒鶴舞清秋節霞明瑤海香吹珠
樹戟門羅列天矯八龍翔翔三鳳蟬聯七葉羨烏衣
羣少錦衣初賜又早向班衣曳好是墻東舊隱結

西廬恣談風月。叢里才名。輞川詩画。神仙度越。法護難兄廣之。有子千秋。閥閱看黑頭。王掾稱觴玉醴霜。

浮金闕

周子淑曰大呂黃鐘非復铿铿細響

水龍吟

蘆溝橋曉行

無端又渡桑乾。蘆溝橋畔行人老。髀裏肉增。鬚邊絲減。車塵擾擾。幾陣清霜。一鞭殘月。西風古道。聽晨雞悲咽。哀鴻淒緊。閱盡輪蹄昏曉。底事倦遊京洛。醉

樊臺頻年潦倒燕昭安在劉蕡空泣水流烟遠囊並
身輕舌隨裘敝春明夢杳望長安回首水精宮闕五

雲縹渺

遠公曰人語悄傳孤戍火馬蹄寒路滿橋霜推爲
蘆溝佳句得舜民此詞哀感悽惻足使行人酸鼻

錢塘江上作

錢塘春水平鋪吳山越嶠層波映萬戶晴嵐千帆芳
草一江明鏡塵銷錦幕烟籠翡翠灰飛鳳嶺望西興
渡口斜陽影裏潮落桃花人靜一無限傷心往事指
靈胥不堪重省素車白馬金戈鐵弩數聲清磬銀雪

當筵錦標弄水尚留幽勝問滔滔容我乾坤豪客扁舟乘興

生洲日萬戶晴嵐三
語寫得江山如画

題曹南耕杲亭

果亭斜峙梅廬南耕卜築經營巧開林帖石疏泉架壑一丘環抱竹祖搖風桐孫蔭月龍鱗獨老把匡廬烟景十年收拾十年前南耕讀書匡廬結構處江山小曲徑紅欄低遶跨飛橋罕求時到傾壺挈榼縱橫文史流連魚鳥擊鉢拈題彈碁角勝憑君吟嘯看樓前雲起

鄰居爲
雲起樓
嵐濶樹密
都圍亭表

雲臣日果亭情景南
耕風致一繪出

白蓮

炎窗絮滿池塘。風鬟露鬢紅衣卸。田田葉映亭亭玉立。新粧淡雅。明月無痕。輕烟乍冷。瑤臺清夜想耶溪。越女採來一色點染冰姿如画。幾陣鷺鷺飛下入花叢迷離欲化霓裳。初舞鮫珠頻弄暗香沾惹。湘水真妃東林緇侶嫣然相亞。聽蓮娃曲調新翻白苧水天閒話。

雲臣曰如
瑞臺積雪

畫錦堂

寄陳椒峰擢第都中

上苑花新曲。江春暖。飛鳴振翮雲霄。聞道國門紙貴。
驚座名高生。民清廟憑塗改。長揚羽獵助揮毫。還相
勉。邦本安。危入陳黼座。常勞一蕭條。記長安沽酒處。
與君共解蘇貂自別。金臺涼倒萬事波濤。忽聞天上
泥金信。慰我烟霞象外交。甘棄置。回首春明夢杳。一
卷離騷。

齊天樂

湖上五日和周清真韻

小樓半捲珠簾雨。湖心画船三五。滿眼榴花半杯昌。
歎隨地歲時荆楚。酒龍詩虎更剪艾爲人裁絲成縷。
憑弔湘魂錦塘波送垂楊。午。湖山風景如昨只六。
橋柳色已分今古舞罷白題歌殘回鶻賦就鐵崖詩。
句兒鷗飛度宛彩鷁朱旗。藕花深處一騎驚回城頭。
催暮鼓。

其年曰撫景驚心歛滯何極
令人想錢王萬弩射潮時

嶺南道中酬贈羅弘載卽和原韻

孤帆春漲桃花雨。賴有山陰儔侶。昭諫高名剡溪逸。
致興會。一時標舉共推燕許登著作之堂。文章之府。
摹得蘭亭珊瑚洲畔尋芳去。此日聯翩放棹奪詞壇。
赤幟讓君旗鼓緩拍紅牙新裁黃絹嶺外晴陰初
午雕龍繡虎看花號佛桑竹名慈姥百粵山川聽陽阿激楚。

破舟觸石瀨危得弘載慰問再疊前韻

揚舲石觸空灘雨自分魚蝦爲侶一水漂漩九天咳。

睡何處。深思高舉。飄零如許。拚獻賦鮫宮。泣珠泉府。
上下隨波滔滔。吾亦從茲去。忽傍孤峰似馬俯。洪濤噴薄驚聞雷鼓。側足捫蘿攀身絕壁。怒氣昏昏亭午。風號豺虎。有傾蓋羅生。釀花裴姥。携手蘭舟慰同袍。妻楚。

其年曰感憤之况雜以詼嘲使人涕笑齊集不復以爲危機驟狀也

暮春送別潘原白之京和陳其年韻

曉鶯吹夢東風細。醞釀一春花事暖。暖寒寒晴晴雨雨。做就殢人天氣。河陽名士取道向燕山。拂衣而起。

笑兀金臺蕭條我亦曾經此蘭舟日暮催發却垂
楊蘸影碧波如洗瞬息揚帆中流擊楫咫尺扶搖萬
里佳辰元巳算上苑春光屬之君耳佇立情濛別淚
同鉛水

天象日情緒緣
統溢於言外

戀芳春慢

清明上巳艤舟山塘用万俟雅言韻

鑽火留觴采蘭修禊長堤烟景爭新上巳清明曉起
霽色初勻不用遨遊分日總掩映桃李芳津看多少

簫鼓樓船垂楊影裏遊人珠軒九曲繡簾四面霏
紅點翠薄霧穿雲寶馬遊童紛紛競逐佳辰再上武
丘壇畔鑾輿迥象設楓宸回頭望朱旛皂蓋繁華偏
勝迎春

宴清都

寄壽潘淑浦四十

分袂當朱夏荷亭上別況冷於秋也京觀甫築鯨鯢
盡息烽銷戎馬五年政績湖南未強仕已膺民社種。
河陽滿縣桃花千株華蓋山下遙傳月洞波明淑

溪浪靜琴堂清暇。庭梅枝放靈鵲巢成供君吟寫。庭梅
靈鵲俱澈浦近詠此日壽觴齊舉願歲歲紅絃綠葦待春來。

剪燭西窗片帆初卸

竹逸曰縱筆所如非詞場老手難道隻字